

黃氏逸書考

子史鈎沈

逸書考

王粲英雄記

甘泉黃奭學

曹操

曹操與劉備密言備泄之於袁紹紹知操有圖已之意操自咋其舌流血以失言戒後世

藝文十七又御覽三百六十九

建安中曹操於南皮攻袁譚斬之操作鼓吹自稱萬歲於馬上舞十二年攻烏桓踰頓一戰斬踰頓首繫馬鞍於馬扑舞

御覽五百七十四又水經

大遼水注引曹操於是擊馬  
鞍於馬上作十片語有脫誤

曹操進軍至江上欲從赤壁渡江無船作竹  
裊使部曲乘之從漢水來下大江注浦口未  
卽渡周瑜又夜密使輕舸百艘燒裊操乃夜  
走御覽七百七十一

曹公赤壁之敗至雲夢大澤遇大霧迷道書鈔

一百五十一又初學記卷二引無之字  
至作行澤下有中字迷道作迷失道路

建安七年鄴中大飢米一斛二萬錢御覽三十五

曹純

純字子和年十四而喪父與同產兄別居承父業富於財僮僕人客以百數純綱紀督御不失其理鄉里咸以爲能好學問敬愛學士學士多歸焉由是爲遠近所稱年十八爲黃門侍郎二十從太祖到襄邑募兵遂常從征戰魏志曹仁傳注又藝文四十八引曹純字子和年十六爲黃門侍郎又御覽二百二十卞引同藝文又三百八十四引曹純字子和年十四喪父業富於財使人僮僕以百數純綱紀督御之不失其理好樂學問愛敬學士學士多歸焉由是爲遠近所稱年十六爲黃門郎案太祖二字係後人所改案時不得稱太祖當稱曹公

周苾伍瓊

苾字仲遠武威人瓊字德瑜汝南人

魏志蕭卓傳注

又後漢書董卓傳注引無汝南人三字

橋瑁

瑁字元偉立族子先為兗州刺史甚有恩惠

魏志武帝紀注又後漢書袁紹傳注引瑁上立並有橋字

董卓

卓父君雅由微官為潁川綸氏尉有三子長

子擢字孟高早卒次即卓卓弟旻字叔穎

魏志

董卓  
傳注

卓數討羗胡前後百餘戰

全上

河南中部掾閔貢扶帝及陳留王上至雒舍  
止帝獨乘一馬陳留王與貢共乘一馬從雒  
舍南行公卿百官奉迎於北芒阪下故太尉  
崔烈在前導卓將步騎數千來迎烈呵使避  
卓罵烈曰晝夜三百里來何云避我不能斷  
卿頭邪前見帝曰陛下令常侍小黃門作亂  
乃爾以取禍敗爲負不小邪又趨陳留王曰

我董卓也從我抱來乃於貢抱中取王

全上  
下又

注云英雄記曰一本云王不就卓抱卓與王併馬而行也

董卓謂王允曰欲得一快司隸校尉誰可作

者允曰唯有蓋勲元周京兆耳卓曰此明智

有餘不可假以雄職

御覽三百五十五

董卓攻得李昊張安畢生

生疑於范鮑刻木字之譌范生作主

范作苑

中生烹之二人臨入鼎相謂曰不同日

生乃同日烹

御覽六百四十五

董卓在顯陽苑請官僚共議欲有廢立謂袁

紹曰劉氏之種不足復遺袁紹曰漢家君天下四百許年恩澤深渥兆民戴之恐衆不從公議卓曰天下之事豈不在我我令爲之誰敢不從紹曰天下健者不唯董公紹請立觀之橫刀長揖而去坐中皆驚愕時卓新至見紹大家故不敢害之

後漢書袁紹傳注引紹揖卓去坐中驚愕卓新

至見紹大家故不敢害

卓於是遂策廢皇太后遷之永安宮其夜崩廢皇帝史侯爲宏農王立陳留

王爲皇帝卓聞東方州郡謀欲舉兵恐其以



宏農王爲主乃置王閣上薦之以棘召王太  
傅責問之曰宏農王病困何故不白遂遣兵  
迫守大醫致藥卽日宏農王及妃唐氏皆薨

御覽九

十二

卓侍妾懷抱中子皆封侯弄以金紫孫女名  
白時尙未笄封爲渭陽君於郿城東起壇從  
廣二丈餘高五六尺使白乘軒金華青蓋車  
都尉中郎將刺史二千石在郿者各令乘軒  
簪筆爲白導從之壇上使兄子璜爲使者授

印綬

魏志董卓傳注又御覽二百二引董卓孫女名白起郿城下無東字白乘下無

軒字末有也字

郿去長安二百六十里

全上

時有謠言曰千里草何青青十日上猶不生  
又作董逃之歌又有道士書布爲呂字以示  
卓卓不知其爲呂布也卓當入會陳列步騎  
自營至宮朝服導引其中馬蹢不前卓心怪  
欲止布勸使行乃衷甲而入卓旣死當時日  
月清淨微風不起旻璜等及宗族老弱悉在

郿皆還爲其羣下所斫射卓母年九十走至  
塢門曰乞脫我死卽斬首袁氏門生故吏收  
殯諸袁死於郿者斂聚董氏尸於其側而焚  
之暴卓尸於市卓素肥膏流浸地草爲之丹  
守尸吏暝以爲大炷致卓臍中以爲燈光明  
達旦如是積日後卓故部曲收所燒者灰并  
以一棺棺之葬於郿卓塢中金有二三萬斤  
銀八九萬斤珠玉錦綺奇玩雜物皆山崇阜  
積不可知數

魏志董卓傳注又後漢書董卓傳注引有道士書布以爲呂字

持以示卓卓不知其爲呂布也又引卓母  
九十走至塢門曰乞脫我死卽時斬首又  
文八十三引董卓郡塢有金二三萬斤御覽  
八百十一事類賦金引同御覽並無鄴字

昔大人見臨洮而銅人鑄臨洮生卓而銅人

毀世有卓而大亂作大亂作而卓身滅抑有

以也

魏志董卓論注

京師謠歌咸言河臘叢進獻帝臘日生也

俗通曰烏臘烏臘案逆臣董卓滔天虐民窮

凶極惡關東舉兵欲共誅之轉相顧望莫肯

先進處處停兵數十萬若烏臘蟲相隨橫取

之矣

後漢書五行志一注

太祖作董卓歌辭云德行不虧缺變故自難

常鄭康成行酒伏地郭景圖命盡於園桑

魏志

袁紹傳注按歌辭不合董卓疑有誤

### 何苗

前太后之同母兄先嫁朱氏之子

語有脫誤

進步

曲將吳匡素怨苗不與進同心又疑其與宦

官同謀乃令軍中曰殺大將軍者車騎也遂

引兵與卓弟旻共攻殺苗於朱爵闕下

魏志董卓

傳注

卓欲震威侍御史擾龍宗詣卓白事不解劒  
立搃殺之京師震動發何苗棺出其尸枝解  
節弃於道邊又收苗母舞陽君殺之弃尸於  
死枳落中不復收斂全上

### 李傕郭汜

傕北地人汜張掖人一名多魏志董卓傳注  
又後漢書董卓

傳注引傕  
北地人

李傕等相攻戰長安中盜賊不禁白日虜掠

是時穀一斛五十萬豆麥二萬人相食啖白

骨委積臭穢滿路

御覽三十五又書鈔一百五十六陳鴻謨補引李

至人相食

### 楊奉韓暹

備劉備

誘奉與相見因於坐上執之暹失事

勢孤時欲走還并州為杼秋屯帥張宣所

殺

魏志董卓傳注

### 丁原

原字建陽本出自寒家為人麤略有武勇

騎射爲南縣吏受使不辭難有警急迫寇虜

輒在其前裁知書少有吏用魏志呂布傳注又後漢書董卓

傳注引至輒在前止無本出自寒家句再上

無武字射上無騎字無爲南縣吏四字辭下

末七字無

### 呂布

郭汜在城北布開城門將兵就汜言且卻兵

但身決勝負汜布乃獨共對戰布以矛刺中

汜汜後騎遂前救汜汜布遂各兩罷魏志呂布傳注

諸書布以四月二十三日殺卓六月一日敗



走時又無聞不及六旬

全上

呂布刺殺董卓與李傕戰敗乃將數百騎以

卓頭繫馬鞍走出武關

御覽三百五十八

王允誅董卓部將李傕郭汜不自安遂合

謀攻圍長安城陷呂布奔走布駐馬青塏門

外招允曰公可以去乎允曰若國家社稷之

靈上安國家吾之願也如其不獲則奉身以

死之

御覽四百十七

布自以有功於袁氏輕傲紹下諸將以爲擅

相署置不足貴也布求還洛紹假布司隸校尉外言當遣內欲殺布明日當發紹遣甲士三十人辭以送布布使止於帳側僞使人於帳中鼓箏紹兵臥無何出帳去而兵不覺夜半兵起亂砍布牀被謂爲已死明日紹訊問知布尙在乃閉城門布遂引去

魏志呂布傳注又後漢書臧洪傳注引自布求還洛止於帳側上無布使二字牀下無被字謂下無爲字明日作明且

呂布詣袁紹紹患布欲殺之遣三十六兵被

鎧迎布使著帳邊臥布知之使於帳中鼓箏

諸兵臥布出帳去兵不覺也

藝文四十六按與魏志呂布傳

注後漢臧洪傳注所引不同

呂布詣袁紹紹患之布不自安因求還洛陽

紹聽之承制使領校尉遣壯士送布而陰殺

之布疑其圖己乃使人鼓箏於帳中潛自遁

去夜中兵起而布已亡紹聞懼爲患募追之

皆莫敢近遂復歸

御覽五百七十六按所引又與藝文各別

布見備甚敬之謂備曰我與卿同邊地人布

見關東起兵欲誅董卓布殺卓東出關東諸將無安布者皆欲殺布耳請備於帳中坐婦牀上令婦向拜酌酒飲食名備爲弟備見布語言無常外然之而內不悅

魏志張邈傳注

布初入徐州書與袁術術報書曰昔董卓作亂破壞王室禍害術門戶術舉兵關東未能屠裂卓將軍誅卓送其頭首爲術掃滅離恥使術明目於當世死生不愧其功一也昔將金元休向兖州甫詣封部爲曹操逆所拒破

流離迸走幾至滅亡將軍破兗州術復明日  
於遐邇其功二也術生年以來不聞天下有  
劉備備乃舉兵與術對戰憑將軍威靈得以  
破備其功三也將軍有三大功在術術雖不  
敏奉以生死將軍連年攻戰軍糧苦少今送  
米二十萬斛迎逢道路非直此止當駱驛復  
致若兵器戰具佗所乏少大小唯命布得書  
大喜遂造下邳

魏志張  
邈傳注

布水陸東下軍到下邳西四十里備中郎將

丹陽許耽夜遣司馬章誑來詣布言張益德  
與下邳相曹豹共爭益德殺豹城中大亂不  
相信丹陽兵有千人屯西白城北內聞將軍  
來東大小踴躍如復更生將軍兵向城西門  
丹陽軍便開門內將軍矣布遂夜進晨到城  
下天明丹陽兵悉開門內布兵布於門上坐  
步騎放火大破益德兵獲備妻子軍資及部  
曲將吏士家口

全上

建安元年六月夜半時布將河內郝萌反將

兵入布所治下邳府詣廳事閤外同聲大呼  
攻閤閤堅不得入布不知反者爲誰直牽婦  
科頭袒衣相將從溷上排壁出詣都督高順  
營直排順門入順問將軍有所隱不布言河  
內兒聲順言此郝萌也順卽嚴兵入府弓弩  
並射萌衆萌衆亂走天明還故營萌將曹性  
反萌與對戰萌刺傷性性砍萌一臂順砍萌  
首牀輿性送詣布布問性言萌受袁術謀謀  
者悉誰性言陳宮同謀時宮在坐上面赤

人悉覺之布以宮大將不問也性言萌常

此問性言呂將軍大將有神不可擊也不言

萌狂惑不止布謂性曰卿健兒也善養視之

創愈使安撫萌故營領其衆

上全

初天子在河東有手筆版書召布來迎布軍

無畜積不能自致遣使上書朝廷以布爲平

東將軍封平陶侯使人於山陽界亡失文字

太祖又手書厚加慰勞布說起迎天子當平

定天下意并詔書購捕公孫瓚袁術韓暹揚



奉等布大喜復遣使上書於天子曰臣本當迎大駕知曹操忠孝奉迎都許臣前與操交兵今操保傳陛下臣爲外將欲以兵自隨恐有嫌疑是以待罪徐州進退未敢自寧答太祖曰布獲罪之人分爲誅首手命慰勞厚見褒獎重見購捕袁術等詔書布當以命爲效太祖更遣奉車都尉王則爲使者齎詔書又封平東將軍來拜布太祖又手書與布曰山陽屯送將軍所失大封國家無好金孤自取

家好金更相爲作印國家無紫綬自取所帶  
紫綬以藉心將軍所使不良袁術稱天子將  
軍止之而使不通章朝廷信將軍使復重上  
以相明忠誠布乃遣登奉章謝恩并以一好  
綬答太祖

全上

布令韓暹楊奉取劉備地麥以爲軍資

御覽  
八百

三十  
八

袁術遣將紀靈率步騎三萬攻劉備呂布遣  
人招備並請靈等饗飲謂靈曰布性不喜合

鬪但喜解鬪耳乃令植戟於營門彎弓曰諸

君觀布射戟小支中者當解兵不中留決鬪

布一發中戟支遂罷兵

御覽七百四十六又書鈔一百二十四劉

備屯

小沛袁術遣將紀靈攻備呂布曰布不

善合鬪但喜解鬪耳令門候於營門中舉一

隻戟布言諸君觀布射戟小支一發中者諸

軍當解去不中者可留決鬪布舉弓射戟正

中小

支

布後又與暹奉二軍向壽春水陸並進所過

虜畧到鍾離大獲而還旣渡淮北留書與術

曰足下恃軍彊盛常言猛將武士欲相吞滅

每抑止之耳布雖無勇虎步淮南一時之聞  
足下鼠竄壽春無出頭者猛將武士爲悉何  
在足下喜爲大言以誣天下天下之言安可  
盡誣古者兵交使在其間造策者非布先唱  
也相去不遠可復相聞布渡畢術自將步騎  
五千揚兵淮上布騎皆於水北大哈笑之而  
還時有東海蕭建爲琅邪相治莒保城自守  
不與布通布與建書曰天下舉兵本以誅董  
卓耳布殺卓來詣關東欲求兵西迎大駕光

復洛京諸將自還相攻莫肯念國布五原人

也去徐州五千餘里乃在天西北角今不

字不

有誤來共爭天東南之地莒與下邳相去不遠

宜當共通君如自遂以爲郡郡作帝縣縣自

王也昔樂毅攻齊呼吸下齊七十餘城唯莒

卽墨二城不下有田單故也布雖非樂毅君

亦非田單可取布書與智者詳共議之建得

書卽遣主簿齎上禮貢良馬五匹建尋爲臧

霸所襲破得建資實布聞之自將步騎向莒

高順諫曰將軍躬殺董卓威震夷狄端坐顧盼遠近自然畏服不宜輕自出軍如或不捷損名非小布不從霸畏布引還抄暴果登城拒守布不能拔引還下邳霸後復與布和

魏志

張邈傳注

呂布將兵向莒臧霸等畏布登城上以藥箭

亂射中人馬布不能拔引還下邳

書鈔一百二十五陳

補尚謨

呂布使陳登詣曹操求徐州牧不得登還布

怒拔戟斫机曰吾所求無獲但爲卿父子所  
賣耳登不爲動容徐對曰登見曹公言養將  
軍譬如養虎當飽其肉不飽則將嗜人公曰  
不如卿言譬如養鷹飢則爲用飽則颺去其  
言如此布意乃解御覽三百五十二又書鈔  
呂布使陳登詣曹操求徐州牧不得登還布  
怒拔戟斫机曰卿父勸吾協同曹公絕婚公  
路今吾所求無一獲而卿父  
子並顯重但爲卿所賣耳

布遣許汜王楷告急於術術曰布不與我女  
理當自敗何爲復來相聞邪汜楷曰明上今

不救布爲自敗耳布破明上亦破也術時僭

號故呼爲明上術乃嚴兵爲布作聲援

又文選任

彥升奏彈曹景宗注引袁術嚴兵爲呂布作聲援也布恐術爲女不至

故不遣兵救也以綿纏女身縛著馬上夜自

送女出與術與太祖守兵相觸格射不得過

復還城

又御覽八百十九引呂布爲曹公所攻甚急乃求救於袁術術先求布女

下卽接布恐術爲女不至云云

布欲令陳宮高順守城自將

騎斷太祖糧道布妻謂曰將軍自出斷曹公

糧道是也宮順素不和將軍一出宮順必不



同心共守城也如有蹉跌將軍當於何自立  
乎願將軍諦計之無爲宮等所誤也妾昔在  
長安已爲將軍所弃賴得龐舒私藏妾身今  
不須顧妾也布得妻言愁悶不能自決

魏志  
張邈

傳注此兩太祖亦非當日原文疑裴氏採入傳時所改

曹公擒呂布布顧劉備曰玄德卿爲上坐客  
我爲降虜繩縛我急獨不可一言耶操曰縛  
虎不得不急曹公欲緩之備曰不可公不見  
布事丁建陽董太師乎布曰備曰大耳兒最

叵信

藝文十七又御覽八百九十二引曹公擒呂布顧劉備曰玄德卿為坐上客我

為降虜

繩縛我急獨不可一言邪操曰縛餓虎不得

御覽顧上

有布字

布謂太祖曰布待諸將厚也諸將臨急皆叛

布耳太祖曰卿背妻愛諸將婦何以為厚布

默然

魏志張邈傳注

### 李叔節

李叔節與弟進先共在乘氏城中呂布謂乘氏城下叔節從城中出詣布進先不肯出為

叔節殺數頭肥牛提數十石酒作萬枚胡餅

先持勞客

御覽八百六十

張楊

楊及部曲諸將皆受催汜購募共圖布布聞之謂楊曰布卿州里也卿殺布於卿弱不如賣布可極得汜催爵寵楊於是外許汜催內實保護布汜催患之更下大封詔書以布爲

潁州太守

魏志呂布傳注

楊性仁和無威刑下人謀反發覺對之涕泣

輒原不問

魏志張  
楊傳注

### 高順

順爲人清白有威嚴不飲酒不受饋所將七百餘兵號爲千人鎧甲鬪具皆精練齊整每所攻擊無不破者名爲陷陣營順每諫布言凡破家亡國非無忠臣明智者也但患不見用耳將軍舉動不肯詳思輒喜言誤誤不可數也布知其忠然不能用布從郝萌反後更疏順以魏續有外內之親悉奪順所將兵以

王粲英雄記

與續及當攻戰故令順將續所領兵順亦終  
無恨意  
魏志張邈傳注又後漢呂布傳注引  
兵號爲千八名陷陣營布後疏  
順奪順所將兵亦無恨意也

臧洪

袁紹以臧洪爲東都太守時曹操圍張超於  
雍邱洪始聞超被圍乃徒跣號泣並勒所領  
將赴其難從紹請兵而紹竟不聽之超城遂  
陷張氏族滅洪由是怨紹絕不與通紹增兵  
急攻洪城中糧盡厨米三升使爲薄糜遍頒

衆又殺其愛妾以食兵將咸流涕無能仰視  
男女七八千相枕而死莫有離叛城陷生執  
洪紹謂曰臧洪何相負若是今日服未洪據  
地瞋目曰諸袁事漢四世五公可謂受恩今  
王室衰弱無輔翼之意而欲因際會缺望非  
冀惜洪力劣不能推刃爲天下報仇何爲服  
乎紹乃命殺之洪邑人陳容在坐見洪當死  
起謂紹曰將軍今舉大事欲爲天下除暴而  
先誅忠義豈合天意紹漸遣人牽出謂曰汝

非臧洪儔歟空復爾為容顧曰夫仁義豈有  
常所蹈之則君子背之則小人今日寧與臧  
洪同日死不與將軍同日生遂復見殺在紹  
坐者無不歎息御覽四百二十二又四百十  
八引無首十一字於雍邱下  
卽接臧洪從袁紹請兵將赴其難紹不聽之  
族下無減字不上無絕字無城中糧盡至又  
十六字無咸字流涕下無無能仰視至而死  
十三字紹謂曰作紹問臧曰作瞑目衰弱作  
微弱無無輔翼至而欲七字劣作弱下作不  
能為天下推刃執仇乃命無乃字舉上無今  
字大事下無欲為天下除暴句遣人作使  
人汝非臧洪儔歟無非歟二字下並同

公孫瓚

公孫瓚字伯珪爲上計吏郡太守劉基爲事  
被徵伯珪御車到洛陽身執徒養基將徙曰  
南伯珪具豚米於北邙上祭先人觴醑祝曰  
昔爲人子今爲人臣當詣日南多瘴氣恐或  
不還與先人辭於此再拜慷慨而起觀者莫  
不歔歔在道得赦俱還

御覽四百二十一又五百二十六引無字

伯珪爲四字基作其下作以事犯注檻車徵  
伯珪構衣平幘御車到洛陽無身執徒養四  
字基將徙作其當徒祭先下無人字囑上有  
舉字日南下重日南二字而起下作其時州  
里人在京師者送行見之及觀者莫不歔歔  
又六百八十七引公孫瓚字伯珪上計吏郡



太守劉基以事公車徵伯珪構衣平幘御車洛陽身執徒養

公孫伯圭追討叛胡邱力居等於管子城伯

圭力戰乏食馬盡煮弩楯啖食之

御覽三百五十七

公孫瓚與諸屬郡縣每至節會屠牛作脯每

酒一觴致脯一豆

書鈔一百四十五陳禹謨補

公孫瓚與破虜校尉鄒靖俱追胡靖爲所圍

瓚迴師奔救胡卽破散解靖之圍乘勝窮追

日入之後把炬逐北

御覽八百七十一

瓚每與虜戰常乘白馬追不虛發數獲戎捷

虜相告云當避白馬因虜所忌簡其白馬數千匹選騎射之士號爲白馬義從一曰胡夷健者常乘白馬瓚有健騎數千匹乘白馬故以號焉

魏志袁紹傳注

公孫瓚每聞邊驚輒厲色作氣如赴仇嘗乘白馬又白馬數十匹選騎射之士號爲白馬

義從以爲左右翼胡甚畏之相告曰當避白

馬長史

御覽八百九十七又事類賦馬引常乘白馬下作又選數十白馬爲騎射

之士餘俱同又藝文九十二引仇作讎嘗作常又下有揀字至胡甚畏之止又書鈔一百

十七引公孫瓚常與健騎數十人皆乘白馬以爲左右翼自號白馬義從

公孫瓚除遼東屬國長史連接邊寇每有驚

輒厲色憤怒如赴讎敵望塵奔繼之夜戰虜

識瓚聲憚其勇莫敢犯之

御覽四百三十七

幽州歲歲不登人相食有蝗旱之災人始知

採稻以棗椹爲糧穀一石十萬錢公孫伯圭

開置屯田稍稍得自供給

御覽三十五又書鈔一百五十六引

五穀不登民人以桑椹爲糧

瓚統内外衣冠子弟有才秀者必抑死在窮

苦之地或問其故答曰今取衣冠家子弟及  
善士富貴之皆自以爲職當得之不謝人善  
也所寵遇驕恣者類多庸兒若故卜數師劉  
緯臺販繒李移子賈人樂何當等三人與之  
定兄弟之誓自號爲伯三人者爲仲叔季富  
皆巨億或取其女以配己子常稱古者曲周  
灌嬰之屬以譬也

魏志公孫  
瓚傳注

公孫瓚擊青州黃巾賊大破之還屯廣宗敗  
易守令冀州長吏無不望風嚮應關門

紹自往征瓚合戰於界橋南二十里瓚之  
二萬餘人爲方陣騎爲兩翼左右各立一  
匹白馬義從爲中堅亦分作兩翼左右各  
射左旌旗鎧甲光照天地紹令麴義以步  
兵爲先登彊弩千張夾承之紹自以步兵  
萬結陣於後義久在涼州曉習羌關兵皆  
銳瓚見其兵少便放騎欲陵陷之義兵皆伏  
稍下不動未至數十步乃同時俱起揚塵大  
叫直前衝突彊弩雷發所中必倒臨陣

所署冀州刺史嚴綱甲首千餘級瓚軍敗績  
步騎奔走不復還營義追至界橋瓚殿兵還  
戰橋上義復破之遂到瓚營拔其牙門營中  
餘衆皆復散走紹在後未到橋十數里下馬  
發鞍見瓚已破不爲設備惟帳下彊弩數十  
張大戟士百餘人自隨瓚部迸騎二千餘匹  
卒至便圍紹數重弓矢雨下別駕從事田豐  
扶紹欲卻入空垣紹以兜鍪撲地曰大丈夫  
當前鬪死而入牆間豈可得活乎彊弩乃亂

發多所殺傷瓚騎不知是紹亦稍引卻會

義來迎乃散去

魏志袁紹傳注又水經注

大破之還屯廣宗袁本初自往征瓚合戰於

界橋南二十里紹將鞠義破瓚於界城橋斬

瓚冀州刺史嚴綱又破瓚殿兵於橋上又御

覽七十三引同水經注又御覽三百五十六

引袁紹為公孫瓚所隔別駕田豐扶紹入空

垣紹脫兕蹙抵地云丈夫當前鬪死而反逃

人牆間豈

可得活

初平四年天子使太傅馬日磾太僕趙岐和

解關東岐別詣河北紹出迎於百里上拜奉

帝命岐往紹營移書告瓚瓚遣使具與紹書

曰趙太僕以周召之德銜命來征宣揚朝恩  
示以和睦曠若開雲見日何喜如之昔賈復  
寇恂亦爭士卒欲相危害遇光武之寬親俱  
陞見同與共出人以為榮自省邊鄙得與將  
軍共同此福此誠將軍之眷而瓚之幸也

魏志

袁紹  
傳注

先是有童謠曰燕南垂趙北際中央不合  
如礪惟有此中可避世瓚以易當之乃築臺  
固守瓚別將有為敵所圍義不救也其言曰



王粲英雄記

救一人後將恃救不力戰今不救此後將黨  
念在自勉是以袁紹始北擊之時瓚南界上  
別營自度守則不能自固又知必不見救是  
以或自殺其將帥或爲紹兵所破遂令紹重  
徑至其門

魏志公孫瓚傳注

瓚諸將家家各有高樓樓以千計瓚作鐵門  
居樓上屏去左右婢妾侍側汲上文書  
袁紹分部攻者掘地爲道穿穴其樓下  
施木柱之度足達半便燒所施之柱樓

倒上

關靖

關靖字士起太原人本酷吏也諂而無大謀

特爲瓚所信幸

魏志公孫瓚傳注

袁紹

袁紹父成字文開名壯健貴戚權豪自大將軍梁冀以下皆與交結恩好言無不從故京

師諺曰事不諧詣文開

御覽三百八十六又魏志袁紹傳注引無

袁紹父三字壯健上無名字下有有部三字交結恩好止結好二字諺上有有爲作二字

父御覽四百九十六引袁紹父成字文開貴  
盛自梁冀以下皆與交言無不從京師諺曰  
事不諧  
詣文開

紹生而父死二公愛之幼使爲郎弱冠除濮  
陽長有清名遭母喪服竟又追行父服凡在  
家廬六年禮畢隱居洛陽不妄通賓客非海  
內知名不得相見又好遊俠與張孟卓何伯  
求吳子卿許子遠伍德瑜等皆爲奔走之友  
不應辟命中常侍趙忠謂諸黃門曰袁本初  
坐作聲價不應呼召而養死士不知此兒欲

何所爲乎紹叔父隗聞之責數紹曰汝且破

我家紹於是乃起應大將軍之命魏志袁紹傳注又後

漢書袁紹傳注引凡在冢廬六年又引不妄

通賓客至奔走之友唯無伍德瑜三字又御

覽四百五引袁紹居維陽西北陬不妄通賓

客非海內知名不得相見又四百九引袁紹

不妄通賓客好遊俠與張孟卓何伯求吳子

卿許子遠伍德瑜等皆奔走之友不應辟命

袁紹生而孤幼爲郎容貌端正威儀進止動

見仿效弱冠除服長有清能名御覽三百八

鮑刻本作除復

陽長有清能名

袁紹有姿貌威容愛士養名既累世台司賓

客所歸加以傾心折節莫不爭赴其庭士無

貴賤與之抗禮

御覽四百七十五

袁紹辟大將軍府不得已起從命舉高第遷  
侍御史弟術爲尙書詔不欲爲臺下告疾求

退

御覽二百二十七

董卓謂袁紹曰皇帝冲闇非萬機之主陳留

王猶勝今欲立之紹勃然曰天下健者豈惟

董卓公橫刀長揖徑出懸節於東門而奔冀州

書鈔一百二十三

又御覽三百四十五引皇帝立之作劉氏種不足復遺餘並司東門

作立  
東門

是時年號初平紹字本初自以爲年與字合

必能克平禍亂

魏志袁紹傳注

紹旣破瓚引軍南到薄落津方與賓客諸將  
共會聞魏郡兵反與黑山賊于毒共覆鄴城  
遂殺太守栗成賊十餘部衆數萬人聚會鄴  
中坐上諸客有家在鄴者皆憂怖失色或以  
啼泣紹容貌不變自若也賊陶升者故內黃  
小吏也

又後漢書袁紹傳注引升故爲內黃小史

有善心獨將部

衆踰西城入閉守州門不內他賊以車載紹  
家及諸衣冠在州內者身自扞衛送到斥邱  
乃還紹到遂屯斥邱以陶升爲建義中郎將  
乃引軍入朝歌鹿場山蒼巖谷討于毒圍攻  
五日破之斬毒及長安所署冀州牧壺壽遂  
尋山北行薄擊諸賊方髮丈八等皆斬之又  
擊劉石青牛角黃龍左校郭大賢李大目于  
氏根等皆屠其屯壁奔走得脫斬首數萬級

紹復還屯鄴

魏志袁紹傳注

紹遣使卽拜烏丸三王爲單于皆安車華蓋  
羽旄黃屋左纛版文曰使持節大將軍督幽  
青并領冀州牧阮鄉侯紹承制詔遼東屬國  
率衆王頒下烏丸遼西率衆王蹋頓右北平  
率衆王汁盧維乃柑募義遷善款塞內附北  
捍獫狁東拒濊貊世守北陲爲百姓保鄣雖  
時侵犯王畧命將徂征厥罪率不施時悔愆  
變改方之外夷最又聰惠者也始有千天長  
百夫長以相統領用能悉乃心克有勳力於



國家稍受王侯之命自我王室多故公孫瓚  
作難殘夷厥土之君以侮天慢主是以四海  
之內並執干戈以衛社稷三王奮氣裔土忿  
奸變國控弦與漢兵爲表裏誠甚忠孝朝所  
嘉焉然而虎兕長虵相隨塞路王官爵位否  
而無聞夫有勲不賞俾勤者怠今遣行謁者  
楊林齋單于璽綬車服以對爾勞其各綏靜  
部落教以謹慎無使作凶作惡世復爾祀位  
長爲百蠻長厥有咎有不臧者試於爾祿而

喪於乃庸可不勉乎烏丸單于都護部衆左

右單于受其節度他如故事

魏志烏桓傳注

### 袁遺

袁遺字伯業

後漢書袁紹傳注

紹後用遺爲揚州刺史爲袁術所敗太祖稱長大而能勤學者唯吾與袁伯業耳

魏志武帝紀注

### 袁術

紹從弟術字公路汝南汝陽人也

後漢書袁紹傳注

### 麴義

袁紹討公孫瓚先令麴義領精兵八百强弩千張以爲前登瓚輕其兵少縱騎騰之義兵伏楯下一時同發瓚軍大敗

御覽三百五十七又三百八十

四引至前登討作擊

麴義後恃功而驕恣紹乃殺之

魏志袁紹傳注

### 逢紀

逢紀說紹曰將軍舉大事而仰人資給不據一州無以自全紹答云冀州兵强吾士飢乏設不能辨無所容立紀曰可與公孫瓚相聞

導使來南擊取冀州公孫必至而馥懼矣因使說利害爲陳禍福馥必遜讓於此之際可據其位紹從其言而瓚果來

魏志袁紹傳注

紀字元圖初紹去董卓出奔與許攸及紀俱詣冀州紹以紀聰達有計策甚親信之與共舉事後審配任用與紀不睦或有讒配於紹者紹問紀紀稱配天性烈直古人之節不宜疑之紹曰君不惡之邪答曰先日所爭者私情今所陳者國事紹善之卒不廢配配由是

更與紀爲親善

全上又後漢書袁紹傳注引至甚親信之無出奔二字又

荀彧傳注同信上無親字

### 審配

審配任用與紀不睦辛評郭圖皆比於譚

後漢

書袁紹傳注

袁尙使審配守鄴曹操進軍攻鄴審配將馮  
禮爲內應開突門內操兵三百餘人配覺之  
從城上以大石擊門門閉入者皆死操乃鑿  
塹圍迴四十里初令淺示若可越配望見笑

而不出操令一夜濬之廣深二丈決漳水灌之自五月至八月城中餓死者過半尙聞鄴急將兵萬餘人還救操逆擊破之尙走依曲漳爲營操復圍之尙懼遣陰夔陳球請降不聽尙還走藍田操復進擊圍之尙將馬迎等臨陣降衆大潰尙奔中人盡收其輜重得尙印綬節鉞及衣物以示城中城中崩沮審配命士卒曰堅守使戰操軍疲矣幽州方至何憂無主以其兄子榮爲東門校尉榮夜開門

內操兵配猶拒戰城陷生獲配操意活之配  
意氣壯烈終無撓辭見者莫不歎息遂斬之

御覽三百十七又書鈔一百十八引袁尚使  
審配守鄴曹操進軍攻鄴配將馬禮叛爲內  
應開突門內操兵三百餘人配覺之從城上  
以大石擊案中柵門柵門閉入者皆死沒

袁尚使審配守鄴曹操攻之操出行圍配伏

弩射之幾中及城陷生獲配操謂曰吾近行

圍弩何多也配曰猶恨其少操曰卽忠於袁

氏不得不爾志欲活之配意氣壯烈終無撓

辭遂斬之

御覽四百三十八又三百四十八  
引袁尚使審配守鄴城曹操進軍

攻鄴生獲配謂曰吾近行圍  
鄴何多也配曰猶恨其少

### 郭圖

譚尙戰於外門譚軍敗奔北郭圖說譚曰今  
將軍國小兵少糧匱執弱顯甫之來久則不  
敵愚以爲可呼曹公來擊顯甫曹公必至先  
攻鄴顯甫還救將軍引兵而西自鄴以北皆  
可虜得若顯甫軍破其兵奔亡又可斂取以  
拒曹公曹公遠僑而來糧餉不繼必自逃去  
比此之際趙國以北皆我之有亦足與曹公



爲對矣不然不諧譚始不納後遂從之問圖  
誰可使圖荅辛佐治可譚遂遣毗詣太祖

魏志

辛毗  
傳注

韓玠

袁譚旣死弟熙尙爲其將焦觸張南所攻奔  
遼西烏桓觸自號幽州刺史陳兵數萬殺白  
馬盟曰違命者斬各以次歃至別駕代郡韓  
玠曰吾受袁公子厚恩今其破亡智不能救  
勇不能死北面曹氏所不能爲也一坐爲石

失色觸曰舉大事當立大義事之濟否不待  
一人可卒珩志以厲事君曹操聞珩節甚高  
之屢辟不至

御覽四百  
二十二

### 陳瑀

陳溫字元悌汝南人先爲揚州刺史曰病死  
袁紹遣袁遺領州敗散奔許國爲兵所殺袁  
術更用陳瑀爲揚州瑀字公瑋下邳人瑀旣  
領州而術敗於封邱南以壽春瑀拒術不納  
術退保陰陵更合軍攻瑀瑀懼走歸下邳

魏志

袁術  
傳注

韓馥

馥字文節潁川人

七字又見後漢書董卓傳

爲御史中

丞董卓舉爲冀州牧于時冀州民人殷盛兵糧優足袁紹之在渤海馥恐其興兵遣數部從事守之不得動搖東郡太守喬瑁詐作京師三公移書與州郡陳卓罪惡云見逼迫無以自救企望義兵解國患難馥得移請諸從事問曰今當助袁氏邪助董卓邪治中從事

劉子惠曰今興兵爲國何謂袁董馥自知言短而有慙色子惠復言兵者凶事不可爲首今宜往視他州有發動者然後和之冀州於他州不爲弱也他人功未有在冀州之右者也馥然之乃作書與紹道卓之惡聽其舉兵

魏志武帝紀注

冀州刺史韓馥問諸從事曰馥有何長何短治中劉子曰前勞賜有餘肉百觔賣之一州調度奢儉不復在是猶可勞賜勤勞吏士賣

之示狹

御覽八百六十三

袁紹使張景明郭公則高元才等說韓馥使

讓冀州

魏志臧洪傳注又後漢書郡國志注引冀州下有與紹二字

### 劉子惠

劉子惠中山人兖州刺史劉岱與其書道卓無道天下所共攻死在旦暮不足爲憂但卓死之後當復回師討文節擁強兵何凶逆寧可得置封書與馥馥得此大懼歸咎子惠欲斬之別駕從事耿武等排閤伏子惠上願并

見斬得不死作徒被赭衣掃除宮門外

後漢書袁

紹傳注

趙浮

紹在朝歌清水口浮等從後夾船數百艘衆  
萬餘人整兵駭鼓過紹營紹甚惡之浮等到  
謂馥曰袁本初軍無斗糧各欲離散旬口之  
間必土崩瓦解解將軍但閉戶高枕何憂何懼

後漢書袁紹傳注

耿武 閔純

耿武字文成閔純字伯典後袁紹至馥從事  
十餘人棄馥去唯恐在後獨武純杖刀拒兵  
不能禁紹後令田豐殺此二人

後漢書袁紹傳注

朱漢

紹以河內朱漢爲都官從事漢先時爲馥所  
不禮內懷怨恨且欲邀迎紹意擅發城郭兵  
圍守馥第拔刃登屋馥走上樓收得馥大兒  
搥折兩腳紹亦立收漢殺之馥猶有憂怖故  
報紹索去

魏志袁紹傳注又後漢書袁紹傳注引同

王匡

匡字公節泰山人輕財好施以任俠聞辟大將軍何進府進符使匡於徐州發彊弩五百西詣京師會進敗匡還州里起家拜河內太守魏志武帝紀注又後漢書獻帝紀注引匡字公節泰山人輕財好施以任俠聞為袁紹河內太守又董卓傳注引至以任俠聞又袁紹傳注引王匡字公節泰山人也又書鈔一百二十五引匡上有王字使上無符字州作鄉無末七字又御覽三百四十八引匡上有王字使上無進符二字州作鄉下無里字又四百七十七引鄉下有里字俱無末七字

孔佃



仙字公緒陳留人

魏志武帝紀注又後漢書董卓傳注引仙字公緒又

袁紹傳注引仙上有孔字人下有也字

### 劉虞

虞爲博平令治正推平高尙純樸境內無盜賊災害不生時郡縣接壤蝗蟲爲害至博平

界飛過不入

魏志公孫瓚傳注

虞讓太尉因薦衛尉趙謨益州牧劉焉豫州

牧黃琬南陽太守羊續竝任爲公

全上

幽州刺史劉虞食不重肴藍縷繩履

書鈔二上八

百三十六又御覽二百五十八引肴作餽履作屨

虞之見殺故常山相孫瑾掾張逸張瓚等忠

義奮發相與就虞罵瓚極口然後同死

魏志公孫

瓚傳

劉岱

岱孝悌仁恕以虛己受人

吳志劉繇傳注

劉翊

劉翊字子相潁川人遷陳留太守出關數百里見士大夫病亡道次翊以馬易棺脫衣殮

之又逢知故困餓於路不忍委去因殺所駕牛以救之衆人止之翊曰視沒不救非志士

遂俱餓死

御覽四百十九

劉表

州界羣寇旣盡表乃開立學官博求儒士使

綦母闔宋忠等撰定五經章句謂之後定

魏志

劉表傳注

張羨

張羨南陽人先作零陵桂陽長甚得江湖間

心然性屈彊不順表薄其爲人不甚禮也美  
由是懷恨遂叛表焉

魏志劉表傳注又後漢書劉表傳注引長作守

無未焉字

### 劉焉

劉焉起兵不與天下討董卓保州自守犍爲  
太守任岐白稱將軍與從事陳超舉兵擊焉  
焉擊破之董卓使司徒趙謙將軍向州說校  
尉賈龍引兵還擊焉焉出青羌與戰故能破

殺岐龍等皆蜀郡人

蜀志劉焉傳注

範聞父焉爲益州牧董卓所徵發皆不至收  
範兄弟三人鎖械於郿塢爲陰獄以繫之上全  
範從長安亡之馬騰營從焉求兵焉使校尉  
孫肇將兵往助之敗於長安上全

劉璋

焉死子璋代爲刺史會長安拜潁川扈瑁爲  
刺史入漢中荊州別駕劉闔璋將沈彌婁發  
甘寧反擊璋不勝走入荊州璋使趙韙進攻

荊州屯朐虂

蜀志劉  
焉傳注

先是南陽三輔人流入益州數萬家收以爲兵名曰東州兵璋性寬柔無威畧東州人侵暴舊民璋不能禁政令多闕益州頗怨趙韙素得人心璋委任之韙因民怨謀叛乃厚賂荊州請和陰結州中大姓與俱起兵還擊璋蜀郡廣漢犍爲皆應韙璋馳入成都城守東州人畏威咸同心並力助璋皆殊死戰遂破反者進攻韙於江州韙將龐樂李異反殺韙

軍斬韙

蜀志劉璋傳注

龐羲

龐羲與璋有舊又免璋諸子於難故璋厚德

羲以羲爲巴西太守遂專權勢

蜀志劉璋傳注

劉備

靈帝末年備嘗在京師復與曹公俱還沛國募召合衆會靈帝崩天下大亂備亦起軍從

討董卓

蜀志先主傳注

備留張飛守下邳引兵與袁術戰於淮陰石亭更有勝負陶謙故將曹豹在下邳張飛欲

殺之豹衆堅營自守招呂布布取下邳張飛  
敗走備聞之引兵還北至下邳兵潰收散卒  
東取廣陵與袁術戰又敗

上全

備軍在廣陵飢餓困敗吏士大小自相啖食  
窮餓侵逼欲還小沛遂使吏請降布布令備  
還州并勢擊術具刺史車馬童僕發遣備妻  
子部曲家屬於泗水上祖道張樂

上全

建安三年春布使人齎金欲詣河內買馬爲  
備兵所鈔布由是遣中郎將高順北地太守



張遼等攻備九月遂破沛備單身走獲其妻  
息十月曹公自征布備於梁國界中與曹公  
相遇遂隨公俱東征上全

表病上備領荊州刺史上全

孫堅

劉表將呂公將兵緣山向堅堅輕騎尋山討  
公公兵下石中堅頭應時腦出物故  
吳志孫堅傳注

堅以初平四年正月七日死上全

胡軫

初堅討董卓到梁縣之陽人卓亦遣兵步騎五千迎之陳郡太守胡軫爲大督護呂布爲騎督其餘步騎將校都督者甚衆軫字文才性急預宣言曰今此行也要當斬一青綬乃整齊耳諸將聞而惡之軍到廣成去陽人城數十里日暮士馬疲極當止宿又本受卓節度宿廣成秣馬飲食以夜進兵投曉攻城諸將惡憚軫欲賊敗其事布等宣言陽人城中賊已走當追尋之不然失之矣便夜進軍城

中守備甚設不可掩襲於是吏士飢渴人馬  
甚疲且夜至又無漸壘釋甲休息而布又宣  
言相驚云城中賊出來軍衆擾亂奔走皆棄  
甲失鞍馬行十餘里定無賊天明便還拾取  
兵器欲進攻城城守已固穿塹已深軫等不  
能攻而還

吳志孫  
堅傳注

張咨

咨子子儀潁川人亦知名

吳志孫堅傳注又  
後漢書袁術傳注

引儀作議  
無才三字

周瑜

周瑜鎮江夏曹操欲從赤壁渡江南無船乘

簰從漢水下住浦口未即渡瑜夜密使輕船

走舸百數艘艘有五十人移棹人持炬火火

然則迴船走去去復還燒者須臾燒數千簰

火大起光上照天操夜走

藝文十八又御覽八百六十八引簰

作簰從漢作汧漢住作至百數艘無數字移

作施持炬火下有持火者數千人立於船上

以萃於簰至乃放火十八字走去下無去復

還燒者五字火大起無大字夜去上有乃字

又八百七十引周瑜敗曹操於赤壁密使輕

船走舸百戶艘艘有五十人拖棹人持炬火

按百戶戶字誤  
鮑刻本無戶字

孔文舉

孔文舉爲東萊賊所攻城欲破其治中左承

祖以官棗賦與戰士

御覽九百六十五又事類賦棗引其上有而字

賦下無與字

向栩

向栩字甫興性卓詭不倫恒讀老子狀如學

道又似狂生好被髮著襜頭常於竈北坐板

牀上如是積久板乃有膝踝足指之處

御覽百

三十九又三百七十二引向栩坐板牀有兩  
蹠處入板中三寸許又書鈔云白三十三引  
向栩常坐梨牀上

向栩爲性卓詭不凡好讀老子狀如學道又  
復似狂居嘗北坐被髮喜長嘯人客從就輒  
伏不視人有於栩前獨拜栩不答御覽三百九十二

### 尙子平

尙栩

原譌作相

先人尙子平有道術爲縣功曹休

歸自入山擔薪賣以飲食

御覽二百六十四又文選嵇叔夜與

山巨源絕交書注引無首四字飲作供又孔德璋北山移文注引同食上有飲字李周翰

王粲英雄記

卷三

曰尙長字子平王莽時司徒王邑薦之固辭  
後遂入山隱也又於北山移文下云尙長字  
子平男女嫁娶訖便隱而不出按尙子平西  
漢末東漢初人此蓋因尙栩而類及之

閻忠

涼州賊王國等起兵共劫忠爲主統三十六

部號車騎將軍忠感慨發病而死

魏志賈栩傳注又後

漢書皇甫嵩傳注引無共字末作忠感傷發病死又董卓傳注截引

涼茂

茂名在八友中

魏志涼茂傳注

張儉

也

世說新語  
品藻篇注

先是張儉等相與作衣冠紉彈彈中人相調  
言我彈中誠有八俊八乂猶古之八元八凱  
又後漢書郡國志會稽郡鄞烏傷下注引  
英雄交爭記云初平三年分縣南鄉爲長  
山縣按所引疑卽漢末英雄記又御覽十  
六引在尊者前宜各具一手巾不宜借人  
巾用此條不知何屬並附錄於末